

Tikitiki o Pūtea

'ASB

Tipu Pūtea

Ngā Rauemi - Tau 5-6

Tipu Pūtea


He kaitiaki koutou o ā koutou pūtea ināiane!

Kua ākona he mea nui te tiaki i ā koutou pūtea, otirā ka whai wāhi tātou katoa ki te tiaki pūtea.

Nā, kia whai whakaaro ki ngā mahi rerekē e tiaki ai i ā tātou pūtea.

E tutuki ai tēnei, me titiro tātou ki te tipu pūtea. Pērā i te tipu tūturu, me tiaki ā tātou tipu pūtea kia puāwai ai.

Ko tā te tipu pūtea he whakaatu ki a tātou me tiaki i ā tātou pūtea, me whai takune, me tipu tonu.



Haumarū - Pērā i te whakamahi a te tipu i te whenua me ngā pakiaka kia kore ai e neke, me mataara tātou ki te wāhi e puritia ai te pūtea kia noho haumarū ai.



Whai takune - Me whai teo ētahi tipu kia tōtika ai te tipu. Me whai mahere tātou mō ā tātou pūtea kia whakapaua ki ngā matea me ngā pīrangī hei painga mā tātou.






Tipuranga - Mā ngā hīhī o te rā me te wai e tipu ai te tipu, ā, mā ngā mahi, mā ngā koha rānei e tipu ai ā tātou pūtea.

Tūmahi 1

He Pai, he Kino rānei

Kei raro nei tētahi rārangi o ngā huarahi rerekē e noho haumaruru ai, e whai takune ai, e tipu haere ai hoki ā tātou pūtea. Ko tāu mahi he kōwhiri ko ēhea o ēnei mahi he pai, ka tuhi ki ngā pouaka kei tō pepamahi kei te whārangi whai ake.

Haumaruru 	Whai takune 	Tipuranga 
<ul style="list-style-type: none">Te pupuri pūtea ki te pēkeTe rau pūtea ki te pouaka moniTe waiho pūtea ki te tūru kei tō taha i runga i te pahiTe huna pūtea ki tētahi wāhi i tō whareTe pupuri pūtea ki tō pūkoro o muri	<ul style="list-style-type: none">Te whakarite mahere pūteaTe whakarite mahere penapena pūteaTe kōrero ki tētahi hoa, whanaunga rānei mō tō mahereTe hoko noa i ngā taputapuTe whiriwhiri whāingaTe whakairi whakaahua o tō whāinga ki te whareTe utu i te \$3 i ia rā mō ngā mea pārekareka	<ul style="list-style-type: none">Te haumi pūteaTe kite moni i runga i te papaTe whakapai whareTe whiwhi mahiTe whānakoTe tono pūtea mō tō huritau

Tūmahi 2

He pēhea tō tiaki i tō pūtea?


Noho tahi ki tō whānau ka titiro ki ngā tikanga pai hei tiaki i tō pūtea kua tuhi ki te pepamahi tipu. Kōwhiria ko ēhea o ēnei ka mahia e koutou ko tō whānau ka kōrero i ētahi atu mahi hei mahi mā koutou!

Pepamahi Tipu Pūtea

Ngā huarahi e tipu ai te pūtea

Ētahi mahi e whai takune ai te pūtea

Ngā wāhi e noho haumaruru ai te pūtea



Ka nui te mihi!

Kei te pakari haere tō tipu pūtea!

He rawe āu mahi hei kaitiaki o tō pūtea.

Ka nui te mihi, kua tata ake tō noho matatau
ki te whakahaere moni!

Papa kupu

Te reo o tēnei rauemi:

Te Reo Māori	English
Ka rawe	That's great
Kaitiaki	Guardian
Pūtea	Money
Whānau	Family
Ka nui te mihi, kua tata ake tō noho matatau ki te whakahaere moni!	Congratulations, you're one step closer to mastering money skills!

Ētahi atu kupu whaitake:

Te Reo Māori	English
Whāinga	Goal
Tipuranga	Grow
Whai takune	Focus
Haumaru	Safety

Pepamahi Tipu Pūtea

Ngā huarahi e tipu ai te pūtea

- › Te haumi pūtea
- › Te whakapai whare
- › Te whiwhi mahi
- › Te tono moni mō tō huritau

Ētahi mahi e whai takune ai te pūtea

- › Te whakarite mahere pūtea
- › Te whakarite mahere penapena pūtea
- › Te kōrero atu ki tētahi hoa, whanaunga rānei mō tō mahere
- › Te whiriwhiri whāinga
- › Te whakairi whakaahua o tō whāinga ki te whare

Ngā wāhi e noho haumaruru ai te pūtea

- › Te pupuri pūtea ki te pēke
- › Te rau pūtea ki te pouaka moni
- › Te huna pūtea ki tētahi wāhi i tō whare

